

甘肅新通志卷之九十六

割據

趙石勒有言大丈夫行事當曇曇落落如日月皎然彼其意以爲天下可以力征經營固一世之雄也而今安在哉志割據見運世無本功德不紀神明之祚非可得而妄處也俛得俛失徒爲後世嗤耳

晉前秦苻洪字廣世略陽臨渭氏人也其先有扈氏之苗裔世爲西戎酋長始其家池中蒲生長五丈五節如竹形時咸謂之蒲家因以爲氏隴右大雨不止百姓苦之謠曰雨若不止洪水必起因名洪父懷歸部落小帥洪好施多權略驍武善騎射屬永嘉之亂乃散千金召英傑之士宗人蒲光蒲突遂推洪爲盟主劉曜僭號長安光等逼洪歸曜拜率義侯曜敗洪西保隴山石虎將攻上邽洪

甘肅新通志

卷九十六

志餘 割據

一

又請降虎大悅拜冠軍將軍委以西方之事及虎滅石生洪說虎宜徙關中豪傑及羌戎內實京師虎從之以洪爲龍驤將軍流人都督處於枋頭累有戰功封西平郡公石遵卽位去洪都督洪怨之遣使降晉穆帝以爲征北大將軍冀州刺史洪以讖文有草付應王又其孫堅背有草付字遂改姓苻氏自稱大將軍大單于三秦王初石虎以麻秋鎮枹罕冉閔之亂秋歸鄴洪使子雄擊而獲之以秋爲軍師將軍秋說洪西都長安洪深然之旣而秋因宴鳩洪將并其衆世子健收而斬之洪將死謂健曰所以未入關者言中州可指時而定今見困豎子中原非汝兄弟所能辦關中形勝吾亡後便可鼓行而西言終而死年六十六健僭位僞諡惠武帝苻健字建業洪第三子也初母羌氏夢大熊而孕之及長勇果便弓馬好施善事人洪死健嗣位去王號稱晉爵時京兆杜洪據長

安健課所部種麥示無西意既而自稱晉征西大將軍盡衆西行遣弟雄率步騎五千人入潼關兄子菁自軹關入河東自統大衆繼雄進連破洪將張先洪奔司竹健遂克長安僭稱天王大單于永和八年遂僭稱帝遣將援石虎將張遇於許昌破晉征西將軍謝尚潁水上十年桓温兵至灞上健使弟雄敗桓冲於白鹿原使子萇敗温於潼關温徙關中三千餘戶而歸健置來賓館於平朔門以懷遠人起靈臺於杜門與百姓約法三章薄賦卑宮垂心政事優禮耆老修尚儒學而關右稱來蘇焉健立四年死僞諡明皇帝廟號高祖子生嗣立二年諄虐無道多殺勳舊宗室苻堅殺而代之

苻堅字永固一名文玉健弟雄之子也初洪從石虎徙鄴家於永貴里其母苟氏嘗遊漳水祈子於西門豹祠孕十二月而生堅焉

## 甘肅新通志

### 卷九十六

志餘 割據

一一

有神光自天燭其庭背有赤文隱起成字曰草付臣又土王咸陽臂垂過膝目有紫光洪奇而愛之名曰堅頭年七歲聰敏好施舉止不踰規矩八歲請師就學健之人關拜爲龍驤將軍性至孝博學多才藝有經濟大志要結英豪以圖緯世之宜太原薛讚略陽權翼見而驚曰非常人也及苻生嗣僞位殘虐無度乃用讚翼梁平老等言與庶兄法共廢生而殺之以位讓法法不敢當以升平元年代生僭稱大秦天王以王猛薛讚爲中書侍郎權翼爲給事黃門侍郎並掌機密強德鄧羌等爲將軍修廢職繼絕世禮神祇課農桑立學校王猛親寵愈密遷侍中中書令兼京兆尹特進強德健妻弟也昏酒豪橫爲百姓之患猛捕而殺之陳尸於市中丞鄧羌性鯁直不撓與猛協規齊志數旬之間貴戚強豪誅死者二十有餘人於是百寮震肅豪右屏氣路不拾遺風化大行堅歎曰

吾今始知天下之有法也於是遣使巡察四方及戎夷種落州郡有高年孤寡不能自存長吏刑罰失中爲百姓所苦清修疾惡勸課農桑有便於俗篤學至孝義烈力田者皆令具條以聞匈奴左賢王衛辰烏丸獨孤鮮卑沒奕干皆率衆降僭位五年鳳凰集於東闕遂廣修學宮召郡國學生通一經以上充之公卿以下子孫並遣受業其有學爲通儒才堪幹事清修廉直孝弟力田者皆旌表之於是人思勸勵號稱多士盜賊止息請託路絕田疇修闢帑藏充盈典章法物靡不悉備遣王猛率諸將破羌斂岐取略陽擒李儼取枹罕平叛將苻雙苻庾苻武苻柳復上邽陝城安定蒲坂已而王猛滅燕楊安平蜀朱彤取漢中苻雄破仇池降楊纂苟萇破涼州降張天錫太元四年使苻丕陷襄陽彭超陷彭城盱眙俱難陷淮陰八年晉車騎將軍桓冲攻襄陽楊亮伐蜀堅命將往禦

甘肅新通志

卷九十六

志餘 割據

三

冲亮皆敗退堅遂大舉伐晉攻陷壽春項城晉都督謝石等禦之壽春城下張蚝敗石於肥南退逼肥水置陣苻融麾軍使卻欲乘晉師濟水覆而取之軍因奔退不可止融馳騎略陣馬倒被殺軍遂大敗堅中流矢還淮北慕容垂請撫東方遂叛據鄴慕容冲反於河東舉兵西向遂據阿房姚萇叛於北地堅討之不克尋以讖文出避五將山爲萇將吳忠所執被弑於新平佛寺子丕僭號追諡世祖宣昭皇帝

司馬氏光曰論者皆以爲堅之亡由不殺慕容垂姚萇光獨以爲不然使堅治國無失其道則垂萇皆秦之能臣也烏能爲亂哉李克有言數戰則民疲數勝則主驕以驕主御疲民未有不亡者也堅似之矣

胡氏纘宗曰苻氏雖稱氏酋然實有扈氏之苗裔天水自商周

西戎已遠卻況爲成紀地而苻乃以霸業不終遂與五胡並稱使堅能納融猛等言爲晉藩服雖南北並峙可也而見不及此惜哉且苻取中原於羣兇非攘之晉者而洪奉晉詔健稱晉爵堅欲厚待晉又有可稱者於戲操且賊漢昭且移魏何深究於諸苻哉

按司馬氏苻洪徘徊枋頭有虎踞中原之志及健西取關中并姚襄卻桓温遂爲強國堅以雄才英略加之慈惠忠信舉王猛於布衣任之以政人不能閒非至明能如是乎故能兼有天下十分之九五胡之盛未有如堅者也然一戰而敗遂至不振要之恃其强大易而無備焉爾

苻丕字永叔堅之長庶子也少聰慧好學博綜經史堅命鄧羌教以兵法文武才幹亞於苻融出鎮于鄴東夏安之堅之敗歸長安

### 甘肅新通志

#### 卷九十六

志餘 割據

#### 四

不爲慕容垂所逼自鄴奔枋頭堅死不復入鄴將收兵趙魏西赴長安會幽州刺史王永平州刺史苻冲率衆屯壺關遣使招丕丕乃進如潞州并州刺史王騰迎之入晉陽王永率騎一萬來會勸稱尊號乃以太元十年僭卽帝位於晉陽南宣檄州郡告以討賊復讐之義左將軍竇衝秦州刺史王統益州刺史王廣衛將軍楊定並據隴右招丕討萇天水羌延馮翊寇明京兆杜敏新平張晏扶風馬朗等咸承檄起兵丕留王騰守晉陽率衆進據平陽遣王永攻慕容永於襄陵永敗死不懼苻纂爲內變南奔東垣晉揚威將軍馮該自陝要擊殺之纂率其衆奔杏城苻登稱尊號僞諡哀平皇帝

苻登字文高堅族孫也少雄勇有壯氣不修細行長而折節謹厚頗覽書傳苻堅時爲揚武將軍坐事黜爲狄道長及關中亂去縣

歸河州牧毛興興以爲司馬登度量不羣出言輒析理中興內服焉然敬憚而不能委任姚萇作亂遣其弟碩德率衆伐興相持久之興死衆推衛平爲刺史已又以平年老推登代之苻丕以登爲征西大將軍封南安王遂專統征伐是時歲旱衆饑道殣相望登每戰殺賊名爲熟食謂軍人曰汝等朝戰暮便飽肉何憂於饑士衆噉死人肉輒飽健能鬪碩德於是下隴奔萇苻丕死其尙書寇遺奉丕子懿昶自杏城奔登登於是爲丕發喪三軍縞素將立懿爲主衆以懿年幼冲固請立登登乃僭卽帝位立堅神主於軍中載以輜輶羽葆青蓋車建黃旗將戰必告凡所欲爲啟主而後行繕甲纂兵將引師而東乃告堅神主曰昔五將之難賊羌肆害于聖躬實登之罪也今合義旅衆餘五萬精甲勁兵足以立功年穀豐穰足以資贍卽日星言電邁直造賊庭奮不顧命隕越爲期因

甘肅新通志

卷九十六

志餘 割據

五

歔歔流涕將士莫不悲慟皆刻鉞鎧爲死休字示以戰死爲志每戰以長稍鉤刃爲方圓大陣知有厚薄從中分配故人自爲戰所向無前堅舊將徐嵩胡空等皆來歸竇衝楊定皆爲大將軍屠各董成張龍世新平羌雷惡地馮翊郭質等盡應之竇衝克萇汧雍二城登率衆下隴入朝那克平涼戎夏歸者十餘萬遂自雍東攻至繁川新豐前後八九年間大小百餘戰互有勝負後姚萇死復與萇子興再戰兵敗爲興所殺登死後子崇西奔湟中僭稱尊號僞諡登曰太宗高皇帝後爲乞伏乾歸所逐與弟定皆死定登使質於乾歸者也

自健至崇凡六主共四十五年

按史氏苻洪附款江東志圖關右健旣承家敢窺大寶遂竊鴻名永固變夷從夏遵明王之德教闡先聖之儒風盛莫比也旣而夸世復諫國遷身罄哀哉苻登集兵勵志功雖難立而義烈

慷慨矣

後秦姚弋仲南安赤亭羌人其先有虞氏之苗裔世爲羌長晉懷帝永嘉之亂弋仲自稱護羌校尉扶風公據灊頭有西據關右之志遣其子襄擊苻洪洪迎擊破之趙石祗稱帝以弋仲爲右丞相待以殊禮弋仲子襄雄勇多才略祗以爲驃騎將軍穆帝永和七年弋仲降晉詔以爲車騎大將軍六夷大都督子襄爲平北將軍督并州封弋仲高陵郡公尋卒襄嗣

姚襄字景國父弋仲有子四十二人臨卒謂諸子曰石氏待吾厚本欲爲之盡力今已滅矣汝亟歸於晉當執臣節無爲不義也及卒襄與秦兵戰敗遂帥衆來歸單騎見謝尚尚聞其名命去仗衛幅巾見之歡若平生襄博學善談論江東人士皆重之後屯歷陽廣興屯田訓勵將士殷浩惡其強盛遣兵襲之不克及浩北伐襄

甘肅新通志

卷九十六

志餘 割據

六

邀敗之收浩資仗濟淮屯盱眙遣使建康陳浩罪狀并自陳謝穆帝升平元年襄進圖關中據黃落爲秦將所殺弟萇嗣

姚萇字景茂弋仲第二十四子襄之弟也穆帝升平元年以衆降秦爲苻堅所親信孝武帝太元九年苻叡擊慕容泓敗死萇爲叡司馬遣其長史詣堅謝罪堅怒殺之萇懼奔渭北馬牧於是天水尹緯尹詳南安龐演等糾煽羌豪五萬餘衆推萇爲盟主萇自稱秦王建元白雀進屯北地羌胡降者十餘萬已而萇出北地堅自帥步騎二萬擊之萇兵屢敗軍人無井秦人塞安公谷堰水以困之會天大雨萇營中水三尺營外寸餘而已萇軍復振堅歎曰天亦佑賊乎太元十年五月西燕攻長安秦王堅出奔五將山萇遣驍騎將軍吳忠圍之秦兵皆敗走堅神色自若忠執之送詣新平萇幽堅於別室使求傳國璽堅叱之曰五胡次序無汝羌名璽已

送晉不可得也堅自以平生遇萇有恩尤忿之數罵萇求死萇遣人縊之張夫人中山公詵皆自殺後秦將士亦皆哀慟萇欲隱其名諡堅曰壯烈天王太元十一年取長安稱帝改元建初在位八年卒子興立

姚興字子略父萇疾甚由安定還長安召太尉姚旻僕射尹緯受遺詔輔政謂太子興曰有毀此諸公者慎勿受之汝撫骨肉以恩接大臣以禮待物以信遇民以仁四者不失吾無憂矣萇卒興祕不發喪自稱大將軍率衆伐秦明年苻登聞萇死喜曰姚興小兒吾折杖笞之耳乃悉衆而東興使尹緯與戰大敗之其衆夜潰登單騎奔平涼收遺衆入馬毛山於是興始發喪卽帝位改元皇初興自安定如涇陽與秦主登戰於山南執登殺之悉散其衆歸農業興母后卒哀毀過禮不親庶政羣臣請依漢魏故事既葬卽吉

甘肅新通志

卷九十六

志餘 割據

七

尚書郎李嵩上疏曰孝治天下先王之高事也宜遵聖性以光道訓既葬之後素服臨朝尹緯駁曰嵩矯常越禮請付有司論罪興曰嵩忠臣孝子有何罪乎其如嵩議興勤於政事延納善言杜瑾等以論事得顯拔姜龕等以儒學見尊禮古成詵等以文章參機

密

詵剛介雅正以風教爲已任京兆韋高慕阮籍爲人居母喪彈琴飲酒詵聞之而泣持劍欲殺之高懼而逃匿

後改元

宏始以災異屢見降號稱王詔羣臣卿士將牧守宰各降一等存問孤貧舉拔賢俊簡省法令清察獄訟守令有政績者賞之貪殘者誅之遠近肅然未幾拔洛陽淮漢以北多降於秦西秦王乾歸涼王降亦皆先後降安帝義熙七年秦王興命羣臣舉賢才右僕射梁喜曰臣累受詔而未得其人世可謂乏才矣興曰自古帝王之興未嘗取相於昔人待將於將來隨時任才皆能致治卿自識拔不明安得遠誣四海乎羣臣咸悅在位二十二年卒子泓立改

元永和安帝義熙十三年爲晉將王鎮惡所敗泓將出降其子佛念年十一言於泓曰晉人將逞其欲雖降必不免不如引決泓不應佛念登宮牆自投死泓降送建康斬之

自襄至泓凡三世共三十五年

夏赫連勃勃右賢王之後衛辰之子本姓劉以其上世隨母姓爲非禮乃改姓赫連氏言徽赫與天連也勃勃魁岸美風儀性慧辯秦王興見而奇之與論大事寵遇踰於勳舊興弟邕諫曰勃勃不可近也興曰勃勃有濟世才吾方與之平天下奈何逆忌之乃以爲將軍使助沒奕干鎮高平伺魏間隙邕固爭乃止久之竟配以雜虜二萬餘落使鎮朔方勃勃遂謀叛秦柔然獻馬於秦勃勃掠取之襲殺沒奕干而并其衆自謂夏后氏之苗裔晉義熙三年夏六月稱天王國號大夏建元龍興義熙九年改元鳳翔用叱干阿利領將作大監發夷夏十萬人築統萬城義熙十四年陷長安稱

## 甘肅新通志

### 卷九十六

志餘 割據

八

皇帝卽位於灊上改元昌武羣臣請都長安不許仍還統萬元熙元年改元眞興宋元嘉二年卒立十九年

赫連昌勃勃世子勃勃卒昌遂嗣立改元承光宋元嘉四年魏主來伐昌走上邽魏取統萬五年昌爲魏將尉眷所擒俘之於平城立三年

赫連定勃勃第五子僞封平原王昌被魏擒定收餘衆奔還平涼僭卽皇帝位改元勝光元嘉五年取長安八年爲吐谷渾所擒明年逃魏魏人害之其國遂亡立三年

自勃勃至定凡三年共二十五年

前涼張軌字士彥安定烏氏人少明敏好學有器望與同郡皇甫謐善隱於宜陽汝几山張華與軌論經義及政事損益甚器之除太子舍人累遷散騎常侍公卿舉軌才堪御遠永甯初出爲涼州刺史鮮卑反軌到官卽討破之威著西州化行河右立學校行鄉



射之禮及河間成都二王之難遣兵三千東赴京師永興中鮮卑若羅拔能爲寇軌擊斬之俘十餘萬口威名大震惠帝遣加安西將軍大城姑臧永嘉初東羌校尉韓雅殺秦州刺史張輔軌討之雅降王彌寇洛陽軌擊破之又敗劉聰於河東帝嘉其忠進封西平郡公不受遣使貢獻歲時不絕朝廷嘉之京師饑匱軌卽遣參軍杜勳獻馬五百匹氈布三萬疋帝遣使拜鎮西將軍都督隴右諸軍事劉聰逼洛陽軌遣兵入衛及京都陷軌馳檄關中翼戴帝室秦王爲皇太子遣使拜爲驃騎大將軍儀同三司固辭在州十三年寢疾遺令將佐盡忠報國務安百姓諡曰武子寔嗣

張寔字安遜父軌晉惠帝永甯元年爲涼州刺史治姑臧封西平公在州十三年卒長史張璽等表世子寔攝父位詔寔爲都督刺史西平公愍帝建興四年寔遣將軍王該帥步騎五千人援長安

甘肅新通志

卷九十六

志餘 割據

九

且送諸郡貢計詔拜寔都督陝西諸軍事以其弟茂爲秦州刺史先是涼州軍士得玉璽文曰皇帝行璽獻於寔僚屬皆賀寔曰是非人臣所得留歸之長安太興元年都尉陳安叛相國保舉兵逼上邽保遣使告急於寔寔遣步騎二萬赴之軍至新陽

晉縣屬天水郡聞

愍帝崩保謀稱尊號破羌都尉張詵言於寔曰南陽忘大恥而亟欲自尊必不能成功晉王近親且有名德當率天下以奉之寔從之遣牙門蔡忠奉表詣建康比至帝已卽位寔不用江東年號猶稱建興自此涼州始別爲國京兆人劉宏客居涼州以妖術惑衆寔左右皆事之宏自言天與神璽應王涼州於是帳下閭涉等謀殺寔而奉之寔弟茂知其謀告之寔遣收宏未至涉等遂殺寔寔所遣兵執宏輓之誅其黨數百人左司馬陰元等以寔子駿尙幼推茂爲刺史茂以駿爲世子

張茂字成遜代駿攝事明帝大甯元年趙主曜自隴上西擊涼州茂力屈乃遣使稱藩曜拜茂太師封涼王加九錫次年茂疾病執駿手泣曰吾家世以孝友恭順著稱晉室雖微汝奉承之不可失也且下令曰吾官非王命苟以集事死之日當以白哈入棺勿以朝服歛及卒趙以駿爲涼州牧涼王年號太元

張駿字公庭先是趙拜駿涼州牧駿恥爲之臣不受會趙破休屠王羌羌部落名駿懼乃稱臣入貢已而駿遣從事張淳假道於成來上

表成人欲留淳謂曰卿體豐大天熱可且遣下吏先往須涼淳曰寡君以皇輿播越生民塗炭故遣淳通誠上都所論事重非下吏所能傳雖火山湯海猶將赴之豈寒暑之足論哉成主雄知不可奪厚爲禮而遣之卒致命於建康咸和九年春二月詔以駿爲征西大將軍駿遣使報謝自是每歲使者不絕駿勤修庶政總御文

甘肅新通志

卷九十六

志餘 割據

十

武咸得其用民富兵強西域諸國皆詣姑臧朝貢駿有兼秦雍之志遣使上疏以爲勒雄已死虎期繼逆元老消落後生不識慕戀之心日遠日忘乞敕司空鑒征西亮等汎舟江沔首尾齊舉初涼州僚屬勸駿稱王駿曰此非人臣所宜言也然境內皆稱之爲王

穆帝永和元年駿分其境內二十二郡三營爲涼統武威等十一郡河統金

城等八郡沙統敦煌等三郡及西域都護三營州自稱大都督大將軍假涼王督攝之

始置百官車服旌旗擬於王者二年五月駿卒世子重華嗣

張重華字泰臨先是晉授重華涼州刺史西平公永和五年九月重華自稱涼王九年十一月重華卒諡敬烈子曜靈嗣曜靈字元舒年十歲十二月涼州廢其主曜靈立張祚

張祚字太伯重華庶兄有勇力善事內外與重華嬖臣趙長等結異姓兄弟及重華卒曜靈以世子嗣位長等乃廢之而立祚祚尋

自稱涼王建元和平置百官郊祀天地尚書馬岌切諫免官郎中  
丁琪復諫殺之淫暴無道上下怨憤河州刺史張瓘將軍宋混舉  
兵攻祚殺之及趙長等瓘先欲復立曜靈會曜靈已爲祚所弑乃  
推其弟元靚爲涼王

張元靚字元安立爲涼王時方七歲廢祚和平之號復稱建興宋

混誅張瓘

混素忠鯁瓘欲殺之因廢張元靚而自立混以太后命誅之

請元靚去王號復稱涼

州牧旣而混卒元靚以混弟澄爲領軍將軍輔政右司馬張邕惡  
之穆帝升平五年邕攻殺澄自爲中護軍驕縱專權多所刑殺元  
靚叔父天錫殺之盡滅其族元靚以天錫爲大將軍輔政始奉升  
平年號詔以元靚爲涼州刺史西平公哀帝興甯元年秋八月天  
錫弑其君元靚而自立

張天錫字純嘏駿少子弑元靚自稱涼州牧西平公遣司馬奉章

### 甘肅新通志

### 卷九十六

志餘 割據

十一

詣建康請命太元元年秋七月秦王堅以天錫雖稱藩受位而臣  
道未純遣將軍苟萇梁熙等將兵臨西河尚書郎閻負梁殊奉詔  
徵之若有違命卽進師撲討負殊至姑臧天錫會官屬謀之皆曰  
河西天險若悉境內精兵右招西域北引匈奴何遽知其不捷也  
天錫攘袂大言曰孤計決矣言降者斬乃縛負殊射殺之使將軍  
馬建帥衆二萬拒秦八月秦師濟河天錫遣掌據軍於洪池

嶺名在今

涼州府武威縣東南

自帥餘衆屯金昌城

在今涼州府永昌縣

苟萇使姚萇爲前驅馬

建迎降掌握戰死

據兵敗就帳免胄向西向稽首伏劍而死

天錫出城自戰城內又反

乃奔還姑臧秦兵至天錫面縛出降涼州郡縣悉下封天錫歸義

侯國亡

自執至天錫凡九世共七十六年

成李特字元休本巴西宕渠廩君之裔祖某遷略陽遂爲略陽臨  
渭人特身長八尺雄武善騎射沈毅有大度元康中氐齊萬年反

關西擾亂頻歲大饑天水略陽六郡民流移就穀入漢川者數萬家特隨流人將入於蜀至劍閣箕踞太息顧盼險阻曰劉禪有如此之地而面縛於人豈非庸才耶朝議遣侍御史李苾持節監察流人不令人劍閣苾受流人貨賂反爲表請就食蜀土朝廷從之時益州刺史趙廡被徵潛謀割據乃厚遇特黨以爲爪牙特弟庠少有烈氣曉軍法好濟人之難振施窮乏爲衆所附以四千騎歸廡廡以爲威寇將軍使斷北道尋忌而殺之特兄弟怨廡引兵歸綿竹夜襲廡長史費遠軍於石亭遠潰走進攻成都文武盡散廡獨與妻子走廣都爲其下所殺特遂入成都殺長史以下各官遣使詣洛陽陳廡罪狀惠帝以羅尙爲刺史特使弟驤奉迎與弟流逆勞之綿竹朝廷以討廡功拜特宣威將軍流奮威將軍皆封侯會臺符下促召流人北還尙使從事催遣上道流人愁怨相率詣

特特結大營於綿竹以處之移廣漢太守辛冉求寬期冉大怒榜通達購募特兄弟首特改其榜并購六郡豪李任閻趙楊上官及氏叟侯王諸豪咸往歸特旬月間衆過二萬冉遣都尉曾元等率步騎三萬襲特營特設伏擊敗之六郡豪部曲督李含等上書請依梁統奉竇融故事推特行鎮北大將軍承制封拜其弟流行鎮東將軍於是擊走辛冉取廣漢進攻羅尙於成都與蜀人約法三章施捨振貸禮賢拔滯軍政肅然尙頻爲特敗乃阻長圍緣水作營相拒河間王顒遣督護衙博廣漢太守張徵討特尙遣督護張龜軍繁城皆爲特子蕩雄所襲破蕩遂取巴西降葭萌太安元年特自稱益州牧大將軍大都督使弟驤屯軍毗橋尙遣軍來戰驤連破之特又擊破尙水上軍遂逼成都蜀郡太守徐儉以小城降尙據大城自保蜀人並結村堡請命於特特使六郡壯勇各督領

村堡以安撫之二年惠帝遣建平太守孫阜救尙阜次德陽特遣軍往拒尙遣大衆乘虛襲特營從事任明潛說諸村堡剋期內應特軍大敗收餘卒復戰爲尙所殺子雄僭號追諡始祖景皇帝李雄字仲儁特第三子也母羅氏夢大蛇繞身孕十四月而生身長八尺三寸少以烈氣聞道士劉化謂人曰關隴之士皆當南移李氏子中惟仲儁有奇表終爲人主特之承制以爲前將軍特旣死第四弟流與雄收遺衆自保流代特爲大將軍益州牧攻剋尙督護常深柵追至成都雄兄蕩馳馬追擊觸牛倚矛被傷死流懼欲降雄不從命與李含子離謀以偏師擊走尙軍遂渡江入郫城流因往據之尙參軍徐贛來降爲說涪陵人范長生使資給流軍糧流軍得復振尋以疾卒諸將共立雄爲益州牧使李驥斷尙運道尙軍大餒委城夜遁留牙門羅特守城特開門納雄遂克成都

甘肅新通志

卷九十六

志餘 割據

十三

以永興元年僭稱成都王尋僭卽帝位遣將北取漢中東取巴東南陷建甯降越雋遂有南中之地又得漢嘉涪陵遠人繼至乃下寬大之令降附者皆假復除虛已愛人授用皆得其才益州遂定楊難敵遣子入質張駿稱藩假道猶遣使朝貢東晉通表京師天子嘉之時海內大亂而蜀獨無事故歸者相繼雄乃興學校置史官賦調輕減事少役稀百姓得以富安其後將立蕩子班爲太子羣臣咸欲立雄所生雄曰吾兄適統丕祚所歸大事垂克薨於戎戰班姿性仁孝好學夙成必爲名器竟立班雄在僞位三十年僞諡武帝廟曰太宗班孝誠謙謹敬愛儒賢嗣位後從兄越與其弟期密謀殺之殯宮而立期期雄第四子也多所誅夷信任宦豎漢王壽懼禍自涪引兵回成都表誅相國越等十餘人遂矯太后令廢期爲邛都縣公期自縊而死壽驥子也旣襲僞位盡殺雄諸子

寢修宮室務奢侈誅戮諫臣淫刑立威在位五年死僞諡中宗昭文帝子勢嗣立五年荒淫濫殺親任小人晉大司馬桓温來伐遣李福咎堅等禦之陸路温從山陽出江南徑造成都之十里陌勢夜走晉壽遣送降文於温與親族皆徙建康封歸義侯升平五年

死自特至勢凡六主共四十七年

後涼呂光字世明略陽人漢呂文和之後自沛避難徙焉父婆樓佐苻堅官至太尉光生枋頭夜有神光因名曰重瞳子左肘有肉印年十歲與兒童遊戲爲戰陣之法諸兒咸推爲主部分詳平儻類歎服及長沈毅凝重寬簡有大量喜怒不形於色王猛見而異之曰此非常人舉賢良除美陽令夷夏愛服遷鷹揚將軍累從王鑒王猛征討封都亭侯苻重反洛陽光爲其長史擒送京師滅李焉平苻洛積功至驃騎將軍堅既平山東乃授光使持節都督帥

甘肅新通志

卷九十六

志餘 割據

十四

衆七萬以討西域所經諸國無不降附至龜茲王帛純拒之光軍其城南左臂脈起成文曰巨霸營外夜有黑龍之祥光喜進攻其城西域諸胡合七十餘萬人救之皆便弓馬善矛稍鎧如連鑣射不可入光乃結爲勾鑣之陣戰於城西大破之帛純收其珍寶而走王侯降者三十餘國光入其城立帛純弟震爲王以安之撫甯西域恩威甚著龜茲既平光有留志鳩摩羅什勸之東還及至玉門涼州刺史梁熙傳檄責光擅命還師遣子胤率兵拒光於酒泉光擊破之武威太守彭濟執熙請降光入姑臧自領護羌校尉涼州刺史主簿尉祐據允吾以叛張天錫世子大豫自魏安出陷昌松進逼姑臧皆討平之至是始聞苻堅被害光奮怒哀號三軍皆縞素尋自稱使持節大都督大將軍涼州牧酒泉公遂定張掖克酒泉取枹罕會麟見金澤縣光以爲瑞乃僭稱三河王進卽天王

位是爲後涼光後荒耄信讒殺尙書沮渠羅仇羅仇弟子蒙遜叛陷臨松蒙遜從兄男成引兵至建康推太守段業爲涼州牧建康公太常郭騰亦叛據東苑光使庶長子纂討業不克討騰平之僭位十年子紹嗣立僞諡太祖武皇帝紹以纂功高年長以位讓之纂不受尋率兵入宮迫紹自殺纂僭天王位怒番禾太守呂超召歸欲斬之超乘內讎刺殺纂而讓位於光弟寶之子隆隆多殺豪望人心離貳姚興將姚碩德來伐超出戰敗還勸隆納質乞降尋以禿髮沮渠二寇之逼東歸姚興授散騎常侍後坐謀反誅自光至隆

凡四主共十八年

按史氏世明委質僞朝位居上將蕞爾夷陬承風霧卷宏圖壯節有足稱者然僭窺晉鼎遂假鴻名自謂霸業克昌尋而耄及政昏親離衆叛亦何以取焉

甘肅新通志

卷九十六

志餘 割據

十五

西秦乞伏國仁隴西鮮卑人父司繁降秦苻堅以爲南單于鎮勇士川司繁卒國仁代鎮苻堅南伐徵國仁從軍以國仁叔父步頽鎮勇士堅伐晉敗歸步頽叛堅使國仁討之國仁遂與步頽合據隴右晉太元十年秋九月自稱大都督大將軍秦河二州牧建元建義十二年春三月秦王登以國仁爲苑川王立三年乞伏乾歸國仁弟國仁卒子公府幼衆推乾歸爲河南王改元太初遷都金城太元十四年春正月秦王登命爲河南王隆安四年春正月還都于苑川夏六月秦遣其將姚碩德來伐乾歸大敗降秦西秦中絕義熙五年長子熾磐起兵叛秦乾歸聞之自秦逃歸命熾磐鎮苑川自率衆徙都度堅山秋九月復稱爲秦王改元更始六年復都苑川自是攻秦略陽南安隴西皆克之八年春徙都譚郊六月爲兄子公府所弑立二十四年

乞伏熾磐乾歸長子義熙五年乾歸復稱爲秦王及遇害熾磐襲位稱河南王改元永康宋永初元年改元建宏立子暮末爲太子立十六年

乞伏暮末熾磐第二子熾磐卒暮末襲位改元永宏宋元嘉七年爲北涼所迫東徙上邽爲夏人所拒留保于南安八年春正月夏王赫連定起兵伐秦遣將韋伐攻南安暮末出降尋殺之其國遂

亡立三年

自國仁至暮末凡四主共四十七年

南涼秃髮烏孤河西鮮卑人與後魏同出初受呂光署築廉川堡以都之累拜征西大將軍益州牧左賢王隆安元年自稱大都督大將軍西平王改元太初攻呂光金城取之二年取涼嶺南五郡更稱武威王三年徙於樂都立三年

秃髮利鹿孤烏孤之弟烏孤卒衆推立之遂僭嗣僞位改元建和

### 甘肅新通志

### 卷九十六

志餘 割據

十六

徙居西平立三年

秃髮儂檀利鹿孤弟也鹿孤卒遂僭稱涼王改元宏昌元興三年畏秦之強去其年號罷尙書丞郎官義熙四年復稱涼王改元嘉平義熙六年爲北涼沮渠蒙遜所逼遷於樂都義熙十年儂檀出討他郡留太子虎臺守樂都西秦王乞伏熾磐聞之帥步騎二萬襲樂都一夕城潰熾磐入城徙虎臺及其文武百姓萬餘口於枹罕儂檀將士聞亂皆逃散儂檀日四海之廣無所容身吾老矣甯見妻子而死遂歸於熾磐熾磐待以上賓之禮已而酖殺之并殺虎臺其國遂亡立十二年

儂檀子保周賀俱奔河西久之奔魏魏主嗣愛賀之才謂曰卿之先與朕同源

賜姓源氏 自烏孤至儂檀凡三主共十九年

西涼李暠字元盛小字長生隴西成紀人漢前將軍廣之十六世孫也少而好學性沈敏寬和美器度通涉經史尤善文義及長頗



習武藝誦孫吳兵法嘗與呂光太史令郭騰及其同母弟宋繇同宿齋起謂繇曰君當位極人臣李君有國土之分家有駟草馬生白額駒此其時也呂光末京兆段業自稱涼州牧以敦煌太守趙郡孟敏爲沙州刺史署暲效穀令敏尋卒敦煌護軍馮翊郭謙沙州治中敦煌索僊等以暲溫毅有惠政推爲甯朔將軍敦煌太守暲初難之會宋繇仕於業告歸敦煌言於暲曰兄忘郭騰之言耶白額駒今已生矣暲乃從之尋進號冠軍稱藩於業業以暲爲安西將軍敦煌太守尋進持節都督涼興已西諸軍事鎮西將軍領護西夷校尉時有赤氣起於暲後園龍迹見於小城隆安四年晉昌太守唐瑤移檄六部推暲爲大都督大將軍涼公領秦涼二州牧護羌校尉暲乃赦其境內建年爲庚子追尊祖父爲公建置官僚遣宋繇東伐涼興并擊玉門已西諸城皆下之遂屯玉門陽關

甘肅新通志

卷九十六

志餘 割據

十七

廣田積穀爲東伐之資仍於南門外臨水起堂名曰靖恭之堂以議朝政閱武事圖讚自古聖帝明王忠臣孝子烈士貞女暲親爲序頌以明鑒戒之義又立泮宮增高門學生五百人起嘉納堂於後園以匡贊所志義熙元年暲改元爲建初遣舍人黃始梁興間行奉表詣闕已而以子讓鎮敦煌遷都酒泉敦勸稼穡作手令戒其諸子又寫諸葛亮訓戒以勸之親率騎二萬略地至於建康鄴善前部王遣使貢其方物以前表未報復使沙門閒行奉表沮渠蒙遜每年侵寇暲但與通和立盟弗之校也尋又背盟來侵遣世子歆要擊敗之旋卧疾薨諡武昭子歆嗣

李歆字士業暲第三子累敗蒙遜兵朝廷拜歆鎮西大將軍護羌校尉酒泉公後聞蒙遜南伐僣檀率步騎三萬東伐蒙遜自浩亶來拒戰於懷城爲蒙遜所敗勒衆復戰遇害於蓼泉歆諸弟翻恂

等西奔敦煌蒙遜遂入酒泉歆子重耳奔江左後歸魏爲恆農太守

李恂西涼公歆之弟初爲敦煌太守有惠政及歆敗奔北出郡人宋承張宏密招恂帥數十騎入推恂爲刺史蒙遜遣其子政德攻而殺之遂屠敦煌徙馮子寶等於姑臧後亦歸魏自高至恂凡三主共二十四年北涼段業京兆人呂光以爲建康太守光晉昌守將沮渠男成與從弟蒙遜起兵叛光遣使說業奉以爲主業許之男成等遂推業爲大都督大將軍涼州牧建康公改元神璽隆安三年春二月自稱爲涼王改元天璽夏五月爲西安太守沮渠蒙遜所殺立四年沮渠蒙遜臨松盧水胡人其先爲匈奴左沮渠遂以官爲氏隆安初起兵立段業爲王業忌蒙遜出爲西安太守隆安五年蒙遜入殺業自稱大都督大將軍涼州牧張掖公義熙八年遷於姑臧稱

甘肅新通志

卷九十六

志餘 割據

十八

河西王改元置百官十四年稱藩於晉宋高祖永初元年擊滅西涼景平元年受宋爵命八年受魏命爲涼王立三十二年卒

晉書論曰蒙遜出自夷陬擅權邊塞屬呂光之悖德深懷仇粥之冤推段業以濟時假以陳吳之事稱兵白澗南涼請和出師丹嶺北寇賓服然而見利忘義苞禍滅親雖能制命一隅抑亦備諸凶德者矣

沮渠牧犍蒙遜諸子也蒙遜卒牧犍代立改元永和元嘉十一年册命爲河西王十六年魏主圍姑臧牧犍出降其國遂亡在位七年自業至牧犍凡三主共四十三年

氏主楊茂搜本姓令狐氏略陽清水氏人也

南齊書謂楊氏與苻秦同出略陽魏書謂

其居武都地惟宋書以爲略陽清水氏者爲詳確且通鑑載曹操徙武都氏入天水界又云武都氏王楊僕率種內附居漢陽郡則楊氏之居武都者久自秦漢以來楊氏世爲豪族建安中有楊騰遷秦州清水間矣

者爲部落大帥騰子駒勇健多計略始徙仇池地方百頃四面斗絕因以百頃爲號駒孫千萬附魏拜百頃氏王千萬孫飛龍漸強盛晉武假征西將軍還居略陽養甥茂搜以爲子避齊萬年之亂率部落四千家還保百頃自號輔國將軍關中士奔流者多依之茂搜皆延納撫接愍帝以爲驃騎將軍左賢王卒子難敵襲位與弟堅頭分部曲難敵屯下辨堅頭屯河池元帝時避劉曜之寇暫奔晉壽曜退復還仇池難敵卒子毅立稱藩於晉拜征南將軍咸康三年毅族兄初殺毅代立臣於石虎亦臣事晉封仇池公改封天水初爲毅弟宋奴所殺子國殺宋奴而襲毅位桓温表以爲鎮北秦州刺史尋爲從父俊所篡晉以俊爲平西仇池公俊卒子世立晉以爲冠軍仇池公世嘗爲苻堅破擒復還國稱藩卒晉以其子纂一名德爲秦州刺史仇池公咸安元年苻堅遣楊安克仇池殺纂空百頃之地安卽國子前避俊難而奔苻氏者也

楊定毅弟宋奴之孫也宋奴死二子佛奴佛狗奔關中苻堅皆以爲將軍以佛奴子定爲尙書領軍妻以己女堅之敗也定盡力奉堅堅死乃將家奔隴右徙治仇池北百二十里之歷城而置倉儲於百頃稱藩於晉孝武求割天水之西縣武都之上祿爲仇池郡孝武許之進拜輔國大將軍開府儀同秦州刺史其年平天水略陽二郡遂有秦州之地自號西王太元十九年攻乞伏乾歸見殺無子佛狗子盛襲位諡定爲武王

楊盛自號征西將軍安帝以爲輔國仇池公時桓元所置梁州刺史桓希東走漢中空虛盛遣兵取之尋以還晉宋高祖受禪改封武都王立三十年而卒私諡惠文王子元字黃眉嗣位善待士爲流舊所懷宋文帝以爲征西北秦州刺史武都王元嘉六年卒私

諡孝昭王

楊難當元弟也廢元子保宗

一名羌奴

而自立以保宗鎮宕昌次子順

守上邽乘梁州刺史甄法護之失政舉兵破白馬下葭萌遂有漢中之地自置梁州刺史宋刺史蕭思話至先驅戰屢捷始棄梁州謝罪保宗坐謀逆收繫尋釋之使鎮董亭遂奔魏難當自立爲大秦王改元建業又以國多災異復降稱武都王元嘉十八年遣師入蜀克葭萌圍涪城攻巴西文帝命龍驤裴方明等分道西討難當遣諸將拒戰皆敗將妻子奔魏宋以龍驤胡崇之守仇池至濁水遇魏軍敗沒楊氏故將任朏等立保宗弟文德爲仇池公宋卽封武都王遣師助守魏將擊破宋師文德奔守葭蘆城爲魏皮豹子所攻失守奔漢中又以輔國將軍爲宋取陰平平武後爲荊州刺史劉義宣所殺而難當入魏後卒於外都大官子孫世有爵位

甘肅新通志

卷九十六

志餘 割據

二十一

焉

楊元和保宗子也保宗之入魏魏使鎮上封又使鎮駱谷聽弟文德言謀叛事泄詔付難當殺之文德死後羣氏推立元和宋拜武都王治白水然幼弱不能自立尋據城歸魏內徙京師其從叔僧嗣復自稱武都王於葭蘆死從弟文度自立爲武興王宋亦以爲武都王宋順帝時魏破葭蘆殺文度

楊文宏文度弟也小名鼠宋以爲北秦州刺史武都王退治武興亦奉表於魏魏加都督南秦州征西將軍卒從子後起襲其位後起死魏以文宏子集始爲征西武都王進安南大將軍武興王後爲仇池鎮將楊靈珍襲破入齊復入魏魏令歸守武興而死賜諡曰安王復立其子紹先紹先年幼委事二叔集起集義集義扇動諸氏推紹先僭大號魏遣傅豎眼攻克武興送紹先京師滅其國

爲武興鎮復改鎮爲東益州後刺史唐永失於綏撫氏人悉叛永棄城東走紹先復奔還武興自立爲王周太祖定秦隴紹先稱藩以爲東益州刺史紹先死子辟邪梁書作智慧嗣廢帝二年辟邪據州反南岐州刺史叱羅協與趙昶討平之時氏首楊法深亦稱盛之苗裔與種人相攻昶遣使和解之而分其部落置郡縣楊氏之祚始絕梁書謂智慧歸梁與魏書異齊嘗以難當族弟廣香爲西秦州刺史馥之爲仇池公楊靈珍爲武都王皆暫假名號使爲北朝寇難不久旋自消亡又非楊氏正支無足載也自茂搜至文宏凡六世

宋西夏李繼遷拓跋氏元魏之後也自唐貞觀有銀夏等州之地唐未賜姓李祖仁福長興二年爲唐定南節度使仁福卒子彝超嗣彝超卒彝殷嗣彝殷卒彝興嗣彝興卒子克叡嗣克叡卒子繼筠嗣繼筠卒弟繼捧代領其衆宋太宗太平興國七年與繼遷入朝獻銀夏綏宥四州未幾繼遷與其黨數十人復叛奔地斤澤由是

### 甘肅新通志

#### 卷九十六

志餘 割據

二十一

從者日眾遂據夏州東南三百里至道三年繼遷請降太宗以爲定南節度使賜姓名趙保吉立二十二年

李德明保吉子也旣嗣屢表歸款復奉誓表景德二年真宗乃遣使授德明檢校太師兼侍中充定南節度使明道元年封德明爲夏主尋卒立二十九年

李元昊更名曩霄德明子也德明卒元昊嗣位明道元年仁宗遣楊吉授元昊三使封西平王景祐四年殺其叔父山遇稱帝於夏州仁宗削賜姓官爵慶歷四年上誓表於宋宋復册爲夏國王立一十五年

李諒祚元昊子也時方期歲養於母族訛龐訛龐因以三大將分治國政慶歷八年仁宗册爲夏國王立十九年

李秉常諒祚子諒祚卒秉常遂嗣治平四年英宗遣劉航封夏國

王立十九年

李乾順秉常子秉常卒乾順嗣元祐元年宋遣穆衍往弔祭尋遣使封爲夏國王立五十一年

李仁孝乾順子既嗣建元大慶立十四年

李純祐仁孝子既嗣改元天慶後爲李安全所廢立十三年

李安全崇宗孫越王仁友子也廢純祐自立改元應天嘉定二年降於蒙古立五年

李遵頊安全族子也安全卒遵頊遂立改元光定嘉定十年蒙古圍興州遵頊出奔西涼嘉定十六年傳國於子德旺自號上皇立十二年

李德旺遵頊子既立改元乾定時蒙古入夏城邑多失德旺憂悸而卒立三年

甘肅新通志

卷九十六

志餘 割據

一一二一

李睨德旺從子也德旺卒國人立之寶慶三年蒙古鐵木眞盡克夏城邑其民穿鑿土石以避鋒鏑免者百無一二白骨蔽野夏主力屈出降其國遂亡立一年

自繼遷至睨凡十二年  
主共一百八十四年

按唐太宗時成晉書張軌李暉皆入列傳今仍北魏崔鴻十六國春秋次序而以三秦五涼并夏成俱入割據軌暉心迹瞭然誠入列傳無愧特以儕伍羣雄不能不與諸國並列成雖據蜀然李特略陽人亦得纂入至楊氏保有仇池繼遷據有銀夏傳世均久又惡可遺也其他戰勝攻取侵盜土地不久旋失者入歷代戎事不復贅云